

本在耒耨犁把種之本在牛耘鋤收穫之本在人人之本在勤勤之本在於盡地利人事之勤地利之盡一本於官吏之勸課夫田功既盡縱罹水旱尚有所得仰事俯畜廼克匡生穡事不勤虽值豐穰終無所獲賦稅饑寒將何以濟由是而觀克勤者身之寶自惰者家之殃此勸課所云急也提刑按察司欽奉聖旨所至勸課農桑使戢近緣巡歷考照簿書其耕播栽植之事勤惰勸率之方大抵虛文多失實效勸農之官長民之吏安得不任其責况今春首農事方作巡行勸勉適在茲時仰所在有司照依已降條畫編歷鄉村奉宣

聖天子德意敷諭社長耆老人等隨事推行因利而

利察其勤惰而懲勸之所有事條開列如後

一如田多荒蕪者立限墾闢以廣種蔣其有年深墾薄者教之上糞使土肉肥厚以助生氣自然根本壯實雖遇水旱終有收成若無閑田此最良法

一穀麥美種苟不成熟不如栽稗切須勤鋤功到去草培根豈不聞鋤頭有兩可耐旱乾結穗既繁米粒又復精壯此必然理也

一一麥可敵三秋尤當致力以盡地宜如夏翻之田勝於秋耕概擺之方數多為上既是土壤深熟自然苗實結秀比之功少者收穫自倍

一所在水利常令修葺毋得因循廢棄倘遇旱乾獨沾豐潤是地利徧惠一方人力可不加謹又兼此係

朝廷最重之事切當用意仰體

至懷

一桑麻之務衣服所資切須多方栽種趁時科媯然自氣脉全盛葉厚稽長飼蚕績縷皆得其用又栽桑之法務要坑坎深闊蓋桑根柔弱不能入堅又不宜拳曲難舒根既易行三年之後即可採摘

一蚕利寂博養育寔難如浴連生蟻初飼成眠以至上簇必須遵依蚕書一切如法可收倍利嘗聞山東農家因之致富者皆自絲蚕旬月之勞可不勉勵一耕犁之功全籍牛畜須管多存菡豆牧飼得所不致羸弱以盡耕作其或引重服勞使有餘力若有羸老不堪者切須戒殺心擅行屠宰

一鷄豚鵝鴨之屬菜果瓠芋之類皆可養人務

畜廣種用之接聞不為無補故古人有言菜不熟曰饑豈為細事

一時至物成罷亞壠畝更加併力收斂以防風雨損壞有失歲計不惟盡廢前功一飯到口自行暴弃良為可惜

一古人蓄積最為急務故國無九年之蓄國非其國也如平陽太原西路例有蓄積往往山下饑荒鮮聞山上失所近日官設義倉正為此也蓄積之事其可後哉

一織紡績責在女工可諭家長戒其慵惰嚴立程限造成端足以脩粧着蓋非鳥獸必須溫暖可禦冬

寒若無衣褐何以終歲

一或有頑不率教惰農自安背本趨末敗壞淳風朋
游群飲稱曰事情釀酒屠牲指為口願田務方集既
樂城市其或別生事端遭值官司父兄親戚理須營
救豈止破壞家產田產轉成荒廢此等切當禁治毋
得輕犯

一有孝悌力田為眾表率汝等舉明到官優加寬卹
如有浮泛雜役可除者即為蠲免以勸餘人
據已上事條仰社長耆老人等各於當社時時開陳
隨事推行因利而利察其勤惰而勸懲之不致因循
苟且徒文具而已庶可以仰副
朝廷愛養元元務農重穀之本意也除已暗行体察

不如教者須議省諭各令通知

勸農詩

總勸

分司勸課不辭頻汝但聞言日克勸倘使有名無實
數到頭俱是具虛文

糞田

年深蔣種薄田疇糞壤頻加自昔留田果糞餘根本
壯縱遭水旱亦豐收

種桑

年年勸汝盛栽桑相度田園土脉長屬汝一根如法
種明年要見百根長

勤鋤

鋤頭有雨潤非常此是田家耐旱方果使鋤頭功績
到結多得米更精良

水利

細思水利最無窮普例灾傷獨歎豐倘有可與須舉
似已成毋得廢前功

女工

田家門內事紛拏最緊蚕繅与績麻主戒婢奴姑勸
婦趁時作活可成家

訟田

近年田產貴於金明見無憑恃力爭縱使一時官借
向就中不直有神明

結親

成婚作贅結歡情往往年深致怨爭省訟有方渠記
取始須書契兩分明

讀書

孝慈和順華囂愚說似兇孫自讀書縱不盡為官宵
去省心解事亦良圖

省訟

典田賣舍屬曹司何似無爭省狀詞唆汝致爭元是
賊勸令和忍是良師

畏法

禁網寬疎固不苛慎毋輕犯被拘羅更思有理無錢
語試估家資有幾何

屠宰

上司禁汝莫屠牛間有人來告事由豈止到官刑罪
慘怨讎相結幾時休

闢政

農家蚕務與耕田除却耕蚕半是閑利害不多休致
闢壞錢當罪片時間

教唆

教唆冤報似循環比及兇孫已被憊若欲人生求利
遠正須良善養心田

盜賊

一毫非有莫萌心竊物穿窬罪不輕重是杖徒微刺
記枉因纖芥壞平生

飲博

常思群飲與攤錢此事尤須預禁閑酌至輕生輸至
盡恁時雖悔恐應難

安分

貧須藉富富怜貧安分懲貪德自新積取餼糧防儉
歲慎無相率去祈神

天報

四民唯汝最純風天憫辛勤報已豐試看仕途青紫
容大官多半是莊農

終勸

分司勸汝事多忱今歲詩篇意更深切把此詩長記
誦來年比勸預闔心

天

文告裁成二十詩篇篇皆出老農辭汝婦相勸行毋
急便是分司樂不貲

祭文

先祖妣韓氏祭文

中統元年庚辰秋九月丙寅朔十有一日丙子男孫
某等謹以清酌庶羞遺奠于 祖妣韓氏之靈繫韓
氏先昌黎之裔枝分派析散處於衛衣冠煌煌文經
武緯越宋有光司空之貴憚觀其譜本支十世猗嗟
祖妣實出其系薰沐膏腴生大盛立德婉柔嘉主夫
中饋貞祐初元金兵四潰萬室一存危若旒綴時維
祖妣歸于王氏內助我祖畢力家事遂濟坤柔外扶
貞義我堂獲耨我祀復繼內治雖嚴舒而晚晚我祖
先歸我考時穉勤苦流寓栢舟自誓鞠養提携遂成
偉器名甲京師一日騰沸抱飴諸孫免夫火水至克

負薪其恩非細欲報之德昊天罔既八十之春不
蚤為
立願不孝榮養殊替有銜不祛涕泗面被庚申之秋
應辟東魯力辟 幕官唯曹是主慮其不淑庶獲奔
赴罔遂所求心不遑處后土皇天實聞斯語旬日之
間事易其故天誘愚衷駕言西驚拜省庭闈病為少
愈九月初吉星河尚曙有物告終聲軒戶奄奄在床
彌留不去日薄西山矯首云暮風樹之悲有淚如注
盤盥新阡寶惟高原安之妥之一遵訓言傳家之範
敬奉周旋左配我祖何千萬年嗚呼尚享

廣平郡夫人完顏氏祭文

徒單學古

懿懿夫人金源之裔分派天潢坤柔所萃式承陰教
婉其令容作配德門被之僮僮蘋蘩主饋化成肅雍

血母之訓伯姬之恭足額是則以號以封立人之道
莫嗣續大子挺儒宗種德孔邁令伯陳情不仕而想
菽水盡歡心乎日愛素髮垂頰班衣在身問安脈脈
眷然晨昏野服瀟然林下之秀蘭玉盈庭歲時上壽
日薄西山其明則東曾足微恙而不及躬起居燕樂
曳曳融融彼高明家具慶則那若母若子為壽如何
親不知憂孝養終天享此全福幾人則然懿懿夫人
足慰下泉煦煦周原瞻氣葱隴居河之濱有儼新宮
榻拊無憾哀以送終懿懿夫人為婦盡道為母有儀
彤管有輝千古是徵尚饗

祭王參議文

維中統元年十月甲寅朔二十一日甲戌王憚謹以

清酌之奠致祭于參議先生之靈藹藹王公維德之
宗教子以義從師于共走也何幸而與黜同氣質一
變舞雩之風文士輩出繫先生之功公來典衛粵惟
八年與滯補弊政有後先激濁揚清巨細不捐樂育
之心有加于前士感公知所立卓然碩惟不肖獨有
二天每侍几杖接以溫言意向所在多文字間一意
作成汝其勉旃家貧親老擇我祿仕床下之拜言猶
在耳蜀山蒼蒼公筮西指董巷之別誠發於衷臨岐
眷眷告以終始蹭蹬沉鱗有俟乎此孰為歸來便隔
生死痛彼知己世罕所遇我思古人涕零如雨猶歎
先生伊時之麟文彩風流與道日新既惠我輩亦及
我之後人所謂故國非有喬木之謂而有世臣哉哉

豐碑表公之墳公雖云亡其德在民太行盤盤淇流
湯湯永懷先生何日而忘

祭王府君夫人陳氏文

大元國至元十二年歲次乙亥二月壬寅朔越日承
直郎平陽路總管府判官王惲謹以香酌之奠致祭
于河宣慰副使王君太夫人陳氏之靈伏以詩稱有
基婦道乃隆易讚坤義徽柔所鍾維夫人之淑兼著
一躬母儀女範嫺于六宗內助既裕化戎肅雍彤管
有輝周南之風嶷嶷賢嗣總角從容以契以分昆仲
猶同二十年間獲侍左右歲時拜慶稱觴上壽願畜
殊常如卯斯覆我草惟纖兒蔚蘭樹突而弁芳載同
庠序浹洽 陶亦叨時譽調官南歸四月惟夏升拜

吐堂德容甚暇親哺之食手飲以竿駕言西行辭拜床
下中心惻然誨言灑灑日薄西山衆鵲飛翻云別幾
何遽棄榮養聞訃驚怛起焉如喪英英白雲太行之
上有淚盈睫悵然東望嗚呼適去則順其生也榮較
丘山與華屋終哀樂而殊情懿懿夫人壽踰八旬祔
安玄堂慶流後昆是足以慰下泉而釋悵愴於蒿蒸
也憚以官守有限罔獲駿奔既不及撫棺而與謚繫
昔賢兮儼倫以陶侃之忠順知湛君之聖善以不疑
平反審母氏之慈仁援例私議寓哀於文庶幾薦微
誠而告精魂也尚饗

禱雨蒼谷神祠文

去冬今春厥旱斯普比閭三方既禱而雨維此衛邦

和氣艱阻草木焦卷種不入土致此咎殃誠守吏不
德之故也吏不稱職罰及一躬我民何為罹此旱凶
嗟嗟四民寂若我農止食其力歲期一豐旱苟成災
散而西東恭惟明靈蒼水之龍哀憫慈惠正直明聰
司我雨部山靈是宗頌彼淵池雲雷之宮民以病告
禱輒感通忍以吏不稱職卒莫救其隆蓋哉願迴春
澤我邠鄙乃以有秋祀事孔終

祭王叅議文代史運使作

惟公奮迹渤海應期挺生毓畫長材廊時之清佐我
父相幾三十年子惠兵民以謀以旋長隄百戰松漢
逾邁死生以之而有公在矯矯大節老而弥堅襟融
宇粹秉心塞淵中牟之仁平陽之賢哀哀衛民賴公

以痊賑賑周原熙然樂土公雖云亡其政則舉走自
恒陽來寓南鄙瞻邦遺像齊之蓋公歌詩知政泱泱
大風民懷遺愛甘棠是比士而感德曠乎百世矧伊
嗣侯義同昆季嗚呼哀哉吊罔及哀生不獲事遐想
音容河岳流峙野日荒荒群飛搶揚公不少留使我
涕滂跽而陳辭莫此一觴尚饗

春旱禱諸廟文

旱自去秋極於今春滌滌衛土如候如焚夏麥已槁
休我民秋種不入饑饉荐臻旦夕惶懼不知所云恭
惟明德守臣所欽民以病困神心孔仁用是齋沐以
祈以裡庶垂哀眷昭鑒微誠風伯回馭山川出雲一
變盪氣化而甘霖秩我東作庶幾西成載謁祠下

荅鴻靈尚享

七夕祭竈文

至元乙亥平陽府作

三代之制五祀孔修群姓時享或春而秋欽惟竈靈
並輿而幽朝烹夕飴一家所由火水相德乃神之休
敢致薄奠于陘之周有肉如玉有酒斯柔味登于祖
香列于卣匪物將致匪媚是求久矣斯禱庶荅神休
尚享

七夕祀竈漢俗也世久不用獨吾家行之多歷年所
且前人致恭或_苟得此非予之心也蓋庖湍飲食所
出五祀神為最尊薄宦已來餬口四方是神即予主
予乃神之客也匪朝伊夕不無溷穀膠撓之瀆惟神
念客之故庶有以安之用伸告謝以荅神休尚享

謝龍神文

維 至正四年歲次丁卯夏六月丁巳朔廿日丙子翰林修撰郡人王惲謹以香酒之奠敬祭于縣西平成鄉龍公之神矯矯神龍柄雨之機亢陽為災非雨則饑土而力農乃分所宜惟百割理一旱則墮需澤在天屢及我私疇敢不祇若神之威德也尚饗

秋澗先生大全文集卷第六十二

秋澗先生大全文集卷之六十三

祭文

告家廟文

維至元四年歲次丁卯六月丁巳朔廿三日己卯孝曾孫王惲等謹以香酒時果之奠敢昭告于 曾祖考府君 曾祖妣臨清呂氏 顯祖考修武府君 顯祖妣孟氏韓氏 皇顯考忠顯府君 皇顯妣夫人斯氏之靈先以丙寅歲十有二月為子公孺聘婦得宣差石君之第三女茲者往之女家躬展禮幣今龜告吉日維斯時廟授有儀式伸虔告尚享

祭元神祝文

歲次丙辰九月戊戌廿九日丙辰臣某等謹以清酌

謝龍神文

維 至正四年歲次丁卯夏六月丁巳朔廿日丙子翰林修撰郡人王惲謹以香酒之奠敬祭于縣西平成鄉龍公之神矯矯神龍柄雨之機亢陽為災非雨則饑土而力農乃分所宜惟百割理一旱則墮需澤在天屢及我私疇敢不祇若神之威德也尚饗

秋澗先生大全文集卷第六十二

秋澗先生大全文集卷之六十三

祭文

告家廟文

維至元四年歲次丁卯六月丁巳朔廿三日己卯孝曾孫王惲等謹以香酒時果之奠敢昭告于 曾祖考府君 曾祖妣臨清呂氏 顯祖考修武府君 顯祖妣孟氏韓氏 皇顯考忠顯府君 皇顯妣夫人斯氏之靈先以丙寅歲十有二月為子公孺聘婦得宣差石君之第三女茲者往之女家躬展禮幣今龜告吉日維斯時廟授有儀式伸虔告尚享

祭元神祝文

歲次丙辰九月戊戌廿九日丙辰臣某等謹以清酌

庶羞之奠敢告于歲德之君惟神一歲之君百臣是
統端臨異位獨秉威權悔吝灾祥維神是與臣某父
某年踰知侖心切齊家動靜之間既垂攝養公私之
際尤重愆違而又庭戶積殃子孫不孝於七月廿七
日遽嬰未疾將抵時冬困致沉綿力疲舉履日因元
命躬薦愚衷幸冀神明蚤路和豫尚享

告家廣文

維至元四年八月丙辰十七日壬申孝子惲忱等謹
以清酌百羞之奠敢昭告于 皇顯考忠顯府君
顯妣縣君靳氏之靈嗚呼哀哉維丁巳歲八月至
今年丁卯秋仲府君捐館十週星矣寔至元四年秋
八月丙辰朔十有八日癸酉也十者數之盈天道之

小變也祭法以春秋享奠蓋因其氣之終始而致思
焉矧履霜露瞻拱木歲月近紀親日愈遠得不極其
志而重其感傷乎今之所謂道供豈古致齋鄉親之
意歟茲者爰即正寢敬演靈章庶伏真筌以證妙果
神維格思式伸虔告尚饗

至聖文宣王奉安祝文

於赫元聖萬世作準曰義曰仁風化之本願瞻清廟
曠茲有年咎將孰執迺吏之愆爰自下車心弗違安
靡朝匪夕載經載營誕稱八月厥功告成奕奕新廟
桓桓王楹峻以文階重以神幄有翼有嚴乃丹乃雘
爰居爰處以清以寧神格其思享茲菲誠爰暨厥民
日焉啓迪仰止瞻依聿脩厥德庶幾報本以謝不戢

尚享

兗國公奉安文

伏臣庶工告成新廟孔碩於穆素王之亞聿陪元聖之居仰底攸寧求欽厥祀尚享

鄒國公奉安文

伏以有巖閟宮載新祀典仍增光於肖像求配享於神庭於穆維清尚安且妥尚享

諱墓祭文

維大元國至元九年歲次壬申四月乙未朔十七日辛亥男孫憚謹以清酌之奠敢昭告于曾祖王父顯考王府君之靈憚自至元五年冬十月被召赴臺九年春用前資翰林修撰由監察御史改授承直

郎平陽路總管府判官已擇此月十九日赴任所今當遠離墓次伏冀明靈特垂陰祐尚享

祭享惠神祠文

明方止

六月十四日祈雨至十八日申刻大雨至十九日祭

惟神淵懿徽柔德妃乾方瀰沸其泉寔為洲浸屋而祀之禮固宜矣茲者時雨愆常蒲絳兩州旱暵頗甚吏寔不職民將何尤夏麥勤而半成槁稼噓而可燎眾仰一溝之水特為卒歲之安然得之有限溉之不濟與其施及乎有數之田何若膏潤夫一境之內惠郵哀憫繫神能然伏望起伏龍輶電轂神泓為之變動川雲隨而菊從細健天瓢溥霑龍畝使槁者勃興而如握熱者得濯而輒醒雲漢昭回一條蘊隆之氣

甌窶滿載卒成大有之年神能鑒茲敢忘昭報尚饗

祭斛律丞相文

大元國至元九年歲次壬申六月丁亥朔初八日甲午承直郎平陽路總管府判官汲郡王憚謹以清酌庶羞之奠致祭于有齊忠臣大丞相咸陽王斛律公之神伏念憚以監察御史功承節幕視事之初來讞茲獄求情固獲非神疇依惟神心秉塞淵氣餘忠謹始焉義合於神武終以威馳於栢壁生為良弼歿為明神對越英靈凜然如在以德以功宜永嚴祀憚授館絳園迫近神廡號呶扑擊不無震驚然究憚禍賊寔神所懲尚矜不逮併集厥事式伸明薦以克

來饗

康澤王廟謝雨文

憚訊獄絳陽回經太平百里之間秋禾如槁物之生植時方尚養民之告病不為不勤俾驕陽亢甚耕隴塵翻誠守吏不戢之所致也迺亟致禱於鼓墮行復展誠於祠下及次襄陵油雲四興甘澤霑作郊野灑然溥獲沾足且龍化無方龍德為大山澤一氣初無間然虽愚衷適與之會寔神碩卹而惠之也用薦明禋以答靈貺尚享

拜奠夷齊墓文

維大元國至元九祀歲玄默浥灘冬十二月既望承直郎平陽路總管府判官王某恭以牢醴之奠致祭

于孤竹二賢之墓嗚呼天下有當然難合之事惟特
立者能成之天下有至中大正之道惟齊聖者能明
之三代而下建天地之極礎君臣之義揭若日月亘
萬古而不息者其惟二賢而已壬申之冬某以守吏
按事蒲坂仰止高山其立卓爾所謂聞凜凜之風者
貪夫廉懦夫有立志也趨拜几像山烟四起奠以牲
醪若恐將浼有薇在山有粒在簋潔以馨誠薦我明
水尚享

祭黃崖山神文

節彼南山莫安一方爰產奇石紫質青章王宮繕興
涵焉來營伐而材之不無震驚用是昭告惟神降寧
庶憑默佑迄用有成尚享

謁西岳廟文

維神德媿坤維氣涵崑閩際四海洪荒之內位寔雄
尊在提封密迹之間禮當趨謁仰止三峰之峻來伸
一禱之誠僥倖之求斷不敢萌憂恋之心庶幾昭鑒
爰生申甫來佐明時冒瀆顯靈豈勝悚惕尚享

安二賢神文

某以壬申之冬來拜祠墓悼其傾圮几像暴露載經
載營今也告成睠彼雷首肅焉神庭繫二賢之德聖
之清芳以孔聖之哲極所稱芳揭若日月何廟兒之
尚芳封而匪屋來者何瞻仰芳蒼煙高木何山爛其
光芳盤非周粒桂酒苾其香芳神其格思歲永此而
芳

肇祭霍岳文

大元國至元十三年歲次癸酉六月壬午朔二十有
六日承直郎平陽路總官府判官王某謹以牢醴之
奠致祭于霍岳中鎮應靈王之神維神峻秀靈異鬱
為鎮山冀州之野嶽麓所盤致興雲雨祀典載新報
本信敬茲為其辰願維守吏歲奉巖裡籩豆孔修敢
告駿奔乃祝之曰高宜麻麥方下宜稌蛟蛇結盤
方物不竄王事庶集方神所與

康澤王廟祈雪文

大元國至元十年十二月己酉朔承直郎平陽路總
管府判官王憚謹以清酌之奠敢致禱于康澤王
之神伏念一冬三白歲事之常今者云暮未覩其祥

寒律徒切風埃瀕洞宿麥萎猶含餘凍載憂載忡
春疫為重彤雲油油既合而收和氣致盥致或未修
吏寔不戢民將何尤惟神降鑿一雪孔周定沴不作
惠我來牟吾儕小人敢後神休尚享

祭靖應真人姜公文

大元國至元十一年歲在甲戌二月戊申朔十有二
日己未承直郎平陽路總管府判官王某謹以茗果
之奠設祭于靖應真人姜公之靈某以中統元載列
戢省即得掌綸命

帝遣使臣奉宣詔旨起公於晉有遐想仙標載勤
駟乘之語眷眷之意何其隆信者哉逮明年春獲拜
下風寶玄之官野服黃冠道淳德冲曾無一言及乎

本宗其榆揚稱頌若恐墮越者堯舜禹湯文武之道
之功建祠奉祀竭夫一躬退而論思豈墨名而與儒
同者耶及官平陽載觀儀容振袂談舊一沛平生之
習愈知靖專之性精誠之德足以動三河而沃淵衷
也云何一別上仙三峯杳黃鶴其何邁將神游乎太
空天藐雲高涕泗無從逆故都而眷戀庶斯文之可
通尚享

兵次孟津祭靈源王文

維十有一年甲戌夏五月丙子朔越七日壬午承直
郎平陽路總管府判官王某敢昭告于靈源王殿下
我國家將有事於南服桓桓兵甲例作于晉願予小
子寔總其一焉今茲南邁前次河壩尚克顯相其安

以濟豈惟可免薄責誠以威靈陰騭以先啓行之力
也尚享

祭平陽府東城門文

惟神戩司啓閉氣積陰凝今者淫門為崇已及浹旬
害彼衆盛動妨民作伏望道迪陽和速成開霽尚享

祭臯陶文

惴以列官四日奉憲部符鞠絳陽獄大小之情心敢
不盡恍惚曖昧有不可致詰者使讞議適當生死兩
明愚衷不逮神惟能誘之寃滯沉痛捶楚之下求而
不獲者神惟能伸之伏惟明靈尚克顯相

中元節祭三代告生孫姁郎文

伏為男公孺新婦石氏於今月十有二日辛巳生子

名曰汾郎蓋人倫之事繼續為大因時以享式伸虔告庶憑神佑其安且宜尚享

立社稷祭告文

維神五土之祇百谷之本血食于社萬世依準禮墜而興張本自茲牲醪香脂鼓鍾清夷迄用康年神其饒而

維神百穀是長萬民之天配食于社古莫能遷名存寶亡乃吏之愆張本于茲神其鑒焉有酒斯旨有牲肥鮮維神格思歲其有年

范陽房族祖九翁祭文

維至元十三年歲次丙子冬十月壬戌朔十有八日己卯房孫謹以清酌少牢之奠百拜致祭于

故軍資府君族祖九翁之靈嗚呼哀哉十二年春予守官平陽祖母慕容氏書來以公訃告國有常制莫敢擅離然聞母弟忱自疾引函於極納壙皆與及喪次雖不獲戴星奔赴中為少遑也越翼日即縞素為位於府北郊之僧舍發哀以祭婦推氏子公孺新婦石氏在焉感不視事者五日迨今年春三月秩滿東還將為指日即路得哭墓而唁親老也復為中書檄去考試河南四道滿三月而歸日月逾邁霜霜之感積諸中而至于攸久也如是曠慢不恭之責將何所逭今茲之來駿奔露處不遑安者凡十有四日含漣茹辛實以祭告為事伏惟神靈鑒茲哀悃嗚呼哀哉尚饗

祭中書左丞 公文

聖維天開寃綏九有必誕賢輔以左以右手幹機衡
殆天旋斗伊公挺生奮迹營柳長白之英遼江之瀏
元氣網緼鍾此 秀晚落俗學沉浸道園姬情孔思
伊淵洛敷一物致知千古尚友起而翼漢雲雷交邁
啓沃淵衷達聰續黈至元之初公縮機紐謀謨廟堂
股肱元首戢分六卿網維結糾帝載用熙豐而不茹
大明黜陟罷侯置守萬鈞機張賴公克弊霖雨一濡
載清宇宙我武維揚荆襄持久大闢屯田櫛比糧糗
公善開物務深耕耨幽風良耜十千為耦繼倡農司
萬邦是揀明彼王道始夫南畝護軍來歸雪髯垂脰
長江失險萬介吐趣特置館筵體貌耆耆眷我儒臣

甘盤之舊天理人私自公判剖國勢民機倚公安否
有辯懸河而惡利口四海具瞻漢更高叟龍光稠疊
玉扶柩卣望公百年以佐元后胡不慈遺梁木壞朽
彼蒼 悠莫之能究嗚呼公之為學知所先後味道
飲經大羨玄酒平生游藝組綉雕鏤公視餘事為世
瓊玖公之逢辰道合非偶來儀舜庭台鼎鳳雛揚歷
中外足展抱負八十之春已極眉壽考終牖下載啓
其手有子承家公復何疚嗟吾道之如綫念後學之
孤陋與斯民之不幸孰思濟而云救憚自束髮辱知
寡厚拔擢提撕兩端親叩至登瀛州再承善誘弦晦
一週玉堂清昼今公云亡此會難又情悄悄以填膺
淚浪浪而霑袖今也送不遑孰緇葬不得撫柩寓哀

斯文為一觴侑尚享

故尚書禮部郎中致仕丁公祭文

嗚呼維至元十三年夏六月惲考試河南拜公床下
留語終日言不及私維是治之隆汙民之歟屎法具
未完涕下漣而至於蕪於律已老而知止教子以義
方勅斷家事其在倫列如公一人而已此天下之公
論非予得而私議也區區之誠幸惟鑒茲尚享

故吏部尚書高公祭文

至元十五年閏十一月
十一日大雪中拜奠

惟中統壬戌之春惲以事累退耕于壠畝者再罹寒
暑既而擇御史開憲府人文之選公以予主不肖誤
蒙公知擢置言路三年裏行我躬我碩豈惟使之增
光迄薄用于今者寔之載舉及官平陽公判吏部

不以契闊怜我推魯每借譽於時人為聲勢之一助
是又見公終惠且勤不我遐遺之故也至於雄文大
筭忠規治具三峡秋濤危波砥柱茲公論之有在匪
鄙言之能喻念公平生霽霽德度霽騰馥於蘭臺悵
歲律之已暮敢以受知一己之私抒予哀而醉公之
墓也神惟有靈鑒茲誠素尚享

外祖安陽縣丞靳公祭文

十五年閏七月十五日

惲年垂髫省識公面蒼髯堂堂而立而弃逮予成童
受訓母氏公之世家頗聞一二或官鄉縣或擅科場
歷年五百財雄一方至公而衰亦理之常厥後一紀
公歿于鄉惟嗣罔續我考夔傷春秋時思合食祖傍
是用傳訓子孫奉行公殞淺土幾卅霜棺衾改卜未

就深歲姨母雖在顧力弗違有劣其甥按部洹漳東望堯城心焉靡寧迎置姨母如拜儀形爰念葬事與之經營及茲春首窆公于堂庶幾畢考妣之志慰安公之神靈也尚期不昧俯鑒微誠尚享

左丞董公祭文

至元十六年歲次己卯九月乙巳朔越有三日丁巳朝列大夫燕南河北道提刑按察副使汲郡王惲謹以清醢嘉肴之奠致祭于故資德大夫中書左丞簽書樞密院事贈金紫光祿大夫平章政事謚忠獻董公之靈觀夫大燕南陸全趙北垠神火鬱茂澤池濟淪蟠精萃秀篤生異人公應運挺出絕類離倫閱敷詩禮感會風雲奮父祖之餘烈策冠鄧之高勛其志

慮良實又濟以武惠惻隱之仁謙而接物勇見於大敵恭以持己孰知夫世臣至於肅齊家範友于弟昆忠結主知德庇生民功愈大而心轉小寵既厚而憂益殷無私蓄為子孫之計不樹黨收門牆之恩其公亮謹厚又似夫董侍中與万石君也幾世幾年孕此忠純方沐恩於鳳沼俄星隕於中軍痛丹青之宛轉追畫像於麒麟此非一己之私議在中外哀悼所不忍聞也惲爰自布衣仰公清塵接樽酒於中統之首與賓筵於至元之春每燕語之衍衍願若揚顯之可賓矧二弟之款曲辱交久而情親雖草宿而罔哭聊寓哀於斯文伸孺子之薄奠庶斂繫於徐公之墳也尚享

遷奉曾外祖殿試靳公祭文并外妣李氏
惟公才德兼備元精孕和早擅塲屋三中魏科人文
之譽在公寔多正大初元公卒宜津權厝新瀧幾七
十春殯而未葬譬彼行人歸不及家曷寧其身茲者
日吉時良奉安祖傍祔以元配求閉深藏魂而有靈
以賁幽光尚享

遷奉安縣丞外祖并外媪王氏祭文

悼以前歲後十一月廿三日為遷奉之事已告尊靈
今者應期舉厝求慰幽榮以順從祖以安則鄉祔我
外妣閱此玄堂斯雖喪宗在公未傷有甥姪以主祀
重時思而不忘是則不必其子而光揚也有牲斯粢
有酒斯香神惟昭鑒歆此一觴尚饗

又葬公伯兄孝
思貢士及媪氏

秋澗先生大全文集卷第六十三

秋澗先生大全文集卷第六十四

祭文

祭蒲大夫文

大元國至元十八年歲次辛巳三月丁酉朔十有九日祀朝列大夫燕南河北道提刑按察副使謹遣從事賈汝霖以清酌庶羞之奠致祭于河內公之德惟公德挺群摛獄清片辭列高弟于聖門揚仁風於蒲邑三善之美庸能既耶適星垣有分按之行迺神宇致一杯之奠庶祈靈貺以益不能尚饗

祭孝感聖姑文

惟神肇迹博靈遇仙渦浦懿昭靈作蚕聖母千祀永賴神功斯溥食弗再則飢衣弗製則宴念此歲事

秋澗先生大全文集卷第六十四

祭文

祭蒲大夫文

大元國至元十八年歲次辛巳三月丁酉朔十有九日祀朝列大夫燕南河北道提刑按察副使謹遣從事賈汝霖以清酌庶羞之奠致祭于河內公之德惟公德挺群摛獄清片辭列高弟于聖門揚仁風於蒲邑三善之美庸能既耶適星垣有分按之行適神宇致一杯之奠庶祈靈貺以益不能尚饗

祭孝感聖姑文

惟神肇迹博靈遇仙渦浦懿昭靈作蚕聖母千祀永賴神功斯溥食弗再則飢衣弗製則宴念此歲事

惟神其惠顧之尚享

故江漢大都督河間路總管兼府尹史公

祭文

幽雪萃氣招搖耀芒合是二者篤生忠良惟公應運
挺出起家朔方奮父兄之餘烈荷天衢而鷹揚武濟
文經為峇棟梁宿一軍於陽夏号東南之精強枳棘
非所移旌鎮穰撫我瘡痍靖我邊疆其惠春雨其威
秋霜撥我殘棄變而金湯復我陂障積而陵園孰慮
鱗介易我衣裳彼氣日索我師堂堂果上釣之一載
掃敗葉於秋商每出奇而制勝初不知古人之長殆羊
傳之久駐控上流於荆襄雖飛渡之無及吳之所以
亡者本由此而用張能回百戰之餘勇効政蹟之章

章鬱公堂之佳樹至今玉鎮指為公之甘棠然干將
而補履終所用而失常如夏深而思遠此夙夜之所
以遑遑也竟風悲於大樹奄能斂於幽藏嗚呼才有
餘而用不悉位雖高而志靡償曾桃李不言而天下
為之傷也公常幕余二年倘佯促膝言笑執手飲觴
略吏事而不責謂國士之或當茲奉恩綸按部潯陽
望龍驤之瑩域能我涕之弗滂馮平生於此辭庸表
公之衷腸噫慟臨江之哭在公則萬事已矣有子孝
繼以後則其流未央神之聽之庶少慰其所望也尚
享

祭郝奉使墓文

大元國至元十七年歲在庚辰二月十有二日甲申

朝列大夫燕南河埴道提刑按察使友生王惲墓以
清酌之奠致祭于故翰林學士國信大史陵川郝公
之墓嗚呼甲寅之冬仲月之尾公自杞來出道廊邱始
覲清揚重於夙契把酒論交笑談游藝顧睠回翔吾
子可誨臨別之語一何勉慰維中元春雲龍交際我
時游梁與公再會東館相遇四并同醉所學所行尽
發其秘北次龍崗嘔血而瘠書來及予愈見友義我
車北轅公已南逝自茲及薨凡十六歲追憶平生潛
焉出涕公之問學閎肆汪濊公之文章豹炳犀蔚万
斛淵泉出不擇地太史與倫皇墳可媿浩浩江漢万
古不廢發為忠貞見諸行事著書垂聲諒非本意匪
予得私乃世公議今我想公令人短氣斯文綫如忍

復殄瘁直筆疇歸大冊孰畀偉績鴻休光潛揚厲而
最傷公為國出使初館儀真主成和計奉持
國書以死自擔万介外侮群狃內櫛節落瘴登精誠
蓋勵屬國平原同埴一致長星墜芒使輶還轡玉上
青蠅何啻一二惟
皇聖明見萬里外錄勞弃瑕予豈汝罪士無賢否入
朝見忌膚翹再行與病交劇一債不起萬事无弃感
時懷人憂來附鞮昔賢有言常論我輩大槩無差節
目或滯如公之才如公之志雲夢九吞曾弗芥蒂俯
掇勲名高視一世意廣思長反為物制豈惟公傷因
以自識茫茫太鈞形流萬彙幾世幾年生此偉器贊
用德宗誼逢漢帝百未一施胡奪之易雞水淪光郎

山歛翠隱然一丘保之西遂車過腹痛我懷曷既黃
鳥聲悲助我歎歎臨風拜公哭而載醇嗚呼哀哉孤
忠伊鬱幽憂憔悴生罔能伸死而求悶寓哀斯文庶
昭枉昧公如有靈恐予言為知己也尚饗

祭武強南龍池神文

維神威洞淵府奮飛天衢致雨興雲執帝之樞頌此
異野時極焦槁桑半捲而虫作崇穀出壠而氣未蘇
農官至無可而勸窮民將失所匪惟吏責恐亦神
之所當虞也况蒼精昏見適時之雩望靈池而致禱
庶少金其區區嗚呼帝而下君也我當
供厥戩耳免吏責而歲有成則其敢後諸
尚享

北嶽

巢之為分方數千里惟嶽峻極于天神奠安之水旱
疾癘神主宰之今者地不藏陽寒氣失序歲律向終
未霑冬澤俾野土不膏宿麥無望春疫將興已足深
慮饑饉荐至民何以生祈穀請命憂人之憂是亦部
刺史之責也悽悽微誠敢用昭告尚享

祭侍講學士竇公文

惟公性極純誠道深養浩幼學壯行出人意料於周
吉士在漢有道以術濟人方德則小丁已春識公於
沙麓之墟辛巳夏吊公於肥縣之保憶忝列於瀛洲
閱歲華者再抄世知公漢家之羽翼我以為中朝之
元老謀方膺於聖咨憂遽遺於丘禱今也云亡士林

悴槁据愬遺而論斯民有無祿之歎以順受而言得
五福終命之考再拜墳阿奠酌草草碩藥籠之纖微
蓋以荅平日之不我少也尚享

丞相史公明忌日祭文

十六年十一月十九日被部中山府

維公出入將相存歿哀榮公自去世于今幾齡定人
思公雖歿猶生永言不忘曰忠口貞見之範圍展也
大成勛藏盟府德為世程赫赫堂堂如山不傾定人
那知功被齊民憚向侍燕几警咳親承今遇明忌來
拜神庭感念在昔依依我情有樂陳列有酬在瞿碧
映堦醇茲一觥尚享

定人陳公於西北隅皆享祀謂忠孝會

史公祭文

惟公德冠群后望隆漢儀一節四朝知無不為收武

定文綏之畧有金聲玉振之規發至仁於易箚識大
運之盈虧何已私之曾及顯戒殺而為嬉雖羊祐知
吳亡而勸進房喬以征遼而未宜固足與之等夷也
嗚呼桂石巍巍欻然中微風雨震凌併喙者誰俾為
善者嗒然而若喪奕怪者百出而不疑此又世之歎
歎而含愴也公殿是邦尤極恩威峩豐碑於國門宜
鎮人之涕洟切嘗荷公左提右攜豈孺子之可教在
邠而翼之之恩大有濟於艱危及聞公薨身繫情馳
曠一奠而如負蓋五年于茲也今我何幸改畀燕陸
歷河山之故封悵音容之依稀念公平生其能已而
公雖亡亡為世著龜公爽在天尚克念之蓋生而矜
其愚既有以省錄豈歿而知其來復無所維持也追

盛德而曷報庶不辱我公之所知尚饗

岱岳祠禱雨文

崑崙岱宗雷雨宅兮良震對代生物仁兮片雲膚合
天下澤兮茲者春霜例灾桑柘空兮二麥含實勒將
槁兮秋雖下種不出土兮無褐無糗歲何卒兮衣被
饜飫膚合力兮仰惟岳神其念茲兮憂民之憂而亦
部刺史公之責兮悽悽微誠神其鑒兮尚享

黃石公祠乞靈文

惟公鍾秀崇丘降神圮上靈氣驚世倘悅莫詰如子
房以韓亡之餘開炎漢之業為帝師之崇其顯授陰
翼竟濟世美者先生之神之功也不肖猥叨時名艾
服官事余十年每以昧於事機動成乖戾為愧然非

其材而樂之者有賢父兄故也矧先生之靈乎至若
矜其愚昧濯其固陋增益其所不能非先生其誰用
是乞靈祠下區區之懷神其鑒茲尚享

修治新阡告成文

翻口四方幾二十載歲時拜掃禮有不逮水泛雷轟
未免惶駭於其事

亡不孝之大即此良月躬為修治芟蕪剪棘增高夷
圮補植林空再釐風水郭以周垣隆阿四起樹門神
游題阡表氏揭虔妥靈非直觀美功今有僞以告以
祀神之聽之以克永世尚享

韓君大祥祭文

嗚呼王宗韓氏通家往來三十年間情好孔懷矧惟

亡友吾門上第貞幹風生發強剛毅其在諸生
先子所器年近而立揚歷中外臺掾卽曹名聲熾熾
前歲之秋告別何遽曾未越境夢隨川逝日月云邁
奄復祥祭論其受年校夫稟氣老而益強期頤可致
衆維輿傷去之大蚤古云五十不為之夭宛彼二雛
卓有所樹翱翔仕途僉持門戶依依孝思以永終譽
君如有靈亦足以慰夫懷之素也尚享

為姓氏告亡妻文

維丁亥歲六月十八日丁丑夫惲謹以茶果之奠告
于夫人之靈推之為姓世不多有故嘗詢其所從出
為汝討倫者有年一無所見適讀替夫氏姓論推氏
建氏南氏舒堅氏魯陽氏黑肱氏皆出楚之芊姓者

先君熊繹氏之胤其來光且遠矣嗚呼夫人歿而有
靈亦將歆慰其光且遠者用是不敢不告尚享

中丞王公祭文

大元國至元二十六年歲在己丑二月辛亥朔越八
日戊午友生王惲謹以清酌之奠昭告于正議大夫
中丞王兄之靈嗚呼朋友之重義列天倫切切惻惻
疇非弟昆惟君顧我而我宗君以志則一以分則親
如漆斯固如蘭斯馨而敬而愛久而益新爰自垂髫
以及於冠授業蘇門各伸志願智愚雖殊道則一貫
君衷淵塞浩無涯岸晚畧辭華好謀能斷嘗論士心
酬酢萬變如匪中立鮮不夢乱此予少君餘何足算
我時念君大器已見敷我鄙薄激我愚懦治仕將歸

而予獨眷繼分使符有最無殿在昔相度有若昌黎
辟佐戎幕大為已知及論國計莫之與規裴非少韓
有崖其間隱忍就事材為寶難穆穆忠武曰伊曰呂
桃李盈門多士如雨同升諸公曰僕是與初筵中舍
謂輕所處長屈六曹是為之所自後騰揚又知所主
曰史曰張曰姚曰許交口薦揄螭蝠鳳翥望君庶堂
致知堯禹其經綸國業固足以見君之器宇彼或無
知奚我齟齬淮海歸來道在心小角巾私第日事墳
討周防有餘地虺結繳讒火燒城甚於原燎伊鬱積
中不無熱惱嘗切諗予憂世心悄靚閔何多受侮不
少每見慰寬外物一掃擴量冲融致養強矯死非所
憚此何足擾如金在鎔百鍊不挽白首窮塗亦足枯

槁留使咨謀為世儀表此天下之公論非一己之私
禱云何不淑不慤遺此一去吾乃知蒼蒼報施於焉
有未曉者念君問學天人理瞰臨終永訣投我腹藁
語何琅琅秋空日杲淚洒行間茂陵遺草哀哀二子
越王陳寶賢而有文適追來孝所存者長况不為天
鍾鼎一事古人誰了嗚呼事至蓋棺夫復何尚精爽
不昧而來者是保我奠西楹腹痛如攬 平生相
期遠到苦樂行違知者惟鮑悠悠常情異心同貌老
夫知音自深痛悼我過孰寡我履孰蹈有慟無聞徒
辟而標淚下河傾寄茲一抱嗚呼哀哉尚享

路祭中丞王兄永訣文

維君丰度凝遠內明而外閎以予交游之久頗髣髴

其一二其所以斯疾而至於斯者皆命之所致耶豈
用有餘而嗇於行耶物或犯而隱不校耶欲求合反而
得乖耶剪所愛而殘老懷耶不然何氣運表謝叢一
躬而蓄耶方謗之興予適在燕嘗表裏乎西溪致一
言於諸公之間力雖微而莫辯庶幾友義尽予心之
拳拳用是生有以書慰之歿有以文誄之又罔以不
敏復銘而賁之辭固斐然思罄單無愧而已今者執
紼徒送永隔泉路然古人神交罔間存歿臨岐贈言
故不俾其再瀆伏惟明靈鑒茲微悃尚享

御史中丞王公誄文

大元至元廿五年歲在戊子秋八月十有一日前禮
部尚書御史中丞東魯王公堯於維陽之客舍友生

王惲謹遣子某致奠以不腆之文誄焉其辭曰
顯允王公天姿粹精文辭翰墨外彪中翔年甫弱冠
四擅華聲從元問學館申作甥二公提擢大瀆于成
繼以賓師主善共城始拜公面歡如平生忘年定交
寶為畏兄青灯孔序絳帷趙廳尊酒文會桐陰滿慶
既謁寥休偉其豪英力薦于上與之同升
帝曰汝冕秉心和平乃眷乃顧

詔扈南征潛鱗縱壑

天衢荷亨一命卿貳尋擢歷亭改漕京兆以廉見稱
擢之提憲以显以榮褰帷杖節激濁揚清移鎮三晉
八州牧寧載臨恒衛兩河肅澄霜空千里一鷄獨橫
走忝貳車峩冠振纓言議甚衍王事每兢其臭斯蘭

其暨斯金西秩五年愈親愈誠誼賊求過死王度載貞
整我六曹春官首激再執行憲屛中作丞守以大體
與時浮沉西湖激碧吳岫空青公餘吟醉若慰羈情
用是吐歸伊誰云憎徜徉淮海子潛疾嬰俟其少間
偕之北行豈其奄忽痛乖延陵剛弗愛克遂傷厥生
疇昔之憂飲于兕觥予欲從之扞格莫能今悟死別
神交匪冥今歲夏仲手書是承寄是新作託之稱停
豈意期月邁此凶屯初接傳聞既疑且詢繼來訃告
大為震驚於戲已矣王兄歿而有灵鄙懷我聽以公
壽言六十六秩未嘗疾痛體胖心逸以公宦業通貴
之極三十年間略無空隙以公文章不事雕飾平易
溫雅簡而有式以公聞望揚休山立声價 一時

荆金趙璧以公徹嗣怡怡螿螿翠竹高梧雋亭鵲植
所為福全百福無逆是用慰公能事可畢方之吾侪
又有大弗克反者秉彛豐厚度量寬宏愷悌樂易碩
大光明不以達貴我崇彼輕不以己長格物自矜心
無城府口絕舌滅孰為機張以虞以防坦焉蕩蕩內
敬外方汪汪黃陂撓之不渾崑崑高山仰之跡尊天
下之人不問識否聞君之名僉曰良友是喜是愛稱
不容口我觀氣運有通有窒或負而乘君子宜息遣
逸阮窮固足推仰遽忍飄蕩忽還穹碧是用夔傷載
悲載泣維此善人天地之紀幾世幾年生此偉器一
朝云亡歎興殄瘁茫茫九原愛莫之起悠悠此懷曷
維其已上以愾斯民之無祿下以惜平生之知己嗚

呼哀哉尚饗

推氏卒哭祭文

至元廿四年歲次丁亥二月壬辰朔十七日戊申中議大夫王惲謹以玄酒庶羞之奠敢昭告于亡妻推氏之靈嗚呼禮嚴卒哭氣逾一時愴然興感悠悠我思去日漸遠神而明之爰仰道宮有求咸知哀薦成事用光其儀君子與孫衰衣纍纍心為寸草恩則眷暉伸哀報德泣涕交頤而於自致其殆庶幾惟靈降鑒以慰永悲嗚呼哀哉尚享

祭三藏佛圖燈文

惟師薄游襄國寔開帝聰聞音知物變眩幽通非此無以回猛鷲而神事功我師真筌不忌在空來拜

祠下辛歲初冬醉觴乞靈裝回呪龍庶一勺之達水
人之心胃也尚享

祭宋文貞公墓

至元十九年歲次壬午五月己未朔十一己巳謹以清酌之奠致祭于唐太尉文貞宋公墓下嗚呼惟岳降神生甫及申為周之楨如公之生於唐迺開元之治具也昔玄宗能遠而不忘一旦召而相之何其明邪及惑伶人一譖公終老于家何其昧哉豈天室之亂於後有不容置大噐於久安故於戲往者何咎國家方以親賢為急天或寵綏四方若公者復克降靈作甫與申免夫望壙思賢之歎此君子所以再瞻隨動曠世相感之意也區區之誠惟神其鑒之尚享

授少中大夫福建閩海道提刑按察使告
祖宗文 己丑秋八月三日

至元廿六年歲次己丑八月丁未朔越四日庚戌孝
孫憚敢昭告于王氏

三代祖宗祖妣之靈憚不肖獲承

祖宗遺訓以至今日又於此月初三日欽奉

宣命進授少中大夫福建閩海道提刑按察使是皆
祖宗奕葉德積之故越小子何敢存歿光显宜知所
自特陳薄奠是用昭告尚享

祭待制徒算衍文

維至元廿六年歲次己丑冬十月丁未朔十二日己
未少中大夫福建閩海道提刑按察使王憚致奠于

故待制徒算公之靈嗚呼禍與福善惡以應之變其
常理有不復致詰者惟翰林侍講學士顯軒先生厥
心孔嘉樂善修德及其立朝行道罔不傾悉晚歲得
子又復良碩學由家傳志乃早立先生云亡相 咨
惜念渠零屏繼任翰職淹留京師豈造物者將有俟
而補先生之不及一旦天奪松摧玉質云何不淑而
臻此極睠若堂之三封悵遼海之不溢何一氣之衰
謝逮子身而迹熄余愈知善惡之叵量蒼蒼之不可
必也不然豈行焉忽諸致臯陶庭堅之不食吾不可
而識也噫

辭墳祝文

伏以甌東南之極徼憲使外臺之正名受

命以來夙夜祇懼有不遑寧處者於是月十七日卯刻與子公孺輩前赴任所伏惟明靈相其不逮以道護之尚享

祭雙厝文

至元廿六年歲次己丑冬十月丁未朔二十六日壬申瘞以清酌之奠敢昭告于唐臣中丞張公睢陽太守許公之靈惟神忠抗全節義摧賊鋒既障江淮載清河洛精爽在上其生炳如憚等適有事於維揚特乞新厝願惟朽質遠涉畏途覬之心斷非敢萌虞之變庶祈默祐尚享

祭淮水文

惟神發源桐山橫界楚甸德參四瀆潤涵百川憚恭

綸恩遠臨殊域險阻炎蒸有自惜者惟神鑒祐其安以濟是則神上有以欽承明命下有以臣子之義也尚享

亡妻推氏

祭文 遣奠祭文

維至元廿三年歲次丙戌冬十一月癸亥朔十有二日甲戌中議大夫前行臺行御史王憚墓以牲醪之奠致祭于夫人推氏之靈維君為婦克恭以母則式助我內治其宜其適四十三年迺猶一日眷我貧家勤亦之極惟是尽瘁遂臻于疾弥留八年屢值己棘孰被其祥稍復安息孟冬辛酉遽變容度孰禘其魄溘先朝露惟此喪制我實主之布冠齊衣我具舉之木美藏嚴恐速腐之美慰汝心汝其頌之我小甲戌

寔為襲吉奉安汝極皇姑之側升輶簇引爰用控告
汝宜勿憾我未為校魂兮歸來些四荒不可以往兮
惟汝子孫是依是保黯黯精魂悄悄心目旬浹之間
重有所祝日薄西山一語不復念之夤傷又熟為鬱
於戲零落山丘生存華屋自古皆然非汝之獨惟弗
偕先天為之酷有淚如泉永注河曲嗚呼哉哉尚享

過趙祭忠武史公祠文

夫用物精多者英爽用味垂碩異常者死生不殊我
丞相忠武史公以丘山之重碩草芥之微其生也郊
而翼之其歿也窳而訓之茲者奉
詔比上展拜新祠敢乞胡靈增益不逮蓋愚魯之性
惟其素知於言動之間庶幾默祐尚享

秋澗先生大全文集卷第六十四




秋澗先生大全文集卷第六十五

辭

中林有鳥兮
嗒姨母而思親也

哀哀母氏壺儀光兮我鞠我育其勞昌兮植思靜佳
風飄颻兮顧惟蒿蔚擬護芳兮菽水奉歡其憂忘兮
母恃子豫亦所望兮一朝致樂初未嘗兮夜夢見之
晝微茫兮歲月逾邁拱水蒼兮履此霜露中心傷兮
我行宗城如渭陽兮瞻恋姨闈自不遑兮展我孺慕
聞母香兮贈之瓊瑰帶帛將兮枝同氣連何殊於幽
明間兮庶幾母心慰下帛兮中林有鳥翻其反兮情
極反哺鳴聲應而嗒兮可以人而不如鳥之志兮別
淚盈睫下霑袂兮停雲在空浩無際兮我思母氏曷



有既方

哀友生季子辭并序

中統五年甲子歲夏五月廿九日晝漏尽三十刻府
從事周貞以友生季子之喪來告聞之驚但廼為報
食因憶予弱冠時始識渠于教官張文紀學舍性資
純雅似不能言者扣其禮經皆能成誦于口既長從
泌陽趙公業誦賦故日夕翱翔相得為甚狎逮壬子
秋顯軒徒單公自甯來居曰今而後執經問學吾知
所從矣於是搢衣席下大玩厥辭含章既貞士論乃
厭每自嘆古人讀書患其無書今人置書不觀何居
要當手畢群書使之滿家而已父三史甫畢而病嗜
學之難成也如此可勝嘆哉子天性孝友為人簡靖

不群喜作詩其較量體格推敲聲律有過人者然識
者以骨清而癯耳小而偃恐非壽相也今年春顧見
憊氣蒸出顏間僕謂曰子殆病矣不然何神與氣索
然無光耶子少休學本潤身守身為大吾子其慎之
既而臥病在床以迄于死初其父命其子曰而吏而
商斯不汝為惟士與農廼所願學吁為父者可謂知
其子而得其教為子者可謂尽其孝而養其志者矣
維其天不假年聲光潛窒不少白於世是廼可惜也
於戲天道無親常與善人若季氏者可謂一門善人
矣邁罹凶極一至於此天之報施善人果何如哉予
不得而知也噫武死矣非文曷以摠予之哀而見若
之志如李觀歐陽詹之不幸終復聞於世者以昌黎

之文故也君諱武字子文世為青齊人壽三十有四
遂援毫寓哀以異其辭誄曰
猗嗟李氏以善傳兮種德及嗣培福田兮父母之心
一何曠兮子奉以行周且旋兮學根於心浩浩天兮
再世而昌其流淵兮有物忌媚坎壈纏兮云何不泚
邁此遭兮自古有死豈子然兮維卒不施涕所漣兮
哀哀父母白垂顛兮狎于弗順蓋子棺兮東城之野
子之原兮悲風瀟瀟淇水寒兮游魂一去不復還兮
求矣無聞閻九泉兮反袂拭面慨其嘆兮福淫福善
此何憇兮天道悠遠疑其無所關兮其脩与短不幸
之間兮嗚呼哀哉夫我何言子所安兮

故中奉大夫浙東宣慰使趙郡陳公哀辭

至元十四年歲次丁丑秋中奉大夫浙東道宣慰使
陳公按營田東下歷明逾台九月七日歸屯新昌為
賊姦所乘遇害嗚呼哀哉公未歿前五月子夢公柩
轉而過衛再夢坐越府上望公而不得接後閱月復
臂談詠如在試院中時第霧氣盪冒終不覩其面明
日卜奉常宋君不吉日後幾日當有惡報至予魄動
而不忍聞既而公故吏張求錫以訃來告乃審公之
所以亡嗚呼哀哉初癸丑歲公侍謀漢邸聞走名
而喜之及尹洛師一見殆平生歡至元三年以邦伯
釐衛日久得游從燕處為文章往復時或持論古今
傾底裏無間至於振衰礪懦長予志殊銳四載間猶
一日也後五年予自襄行得調公亦移鎮河湟自是

不相覩者五易歲維十有三年夏四月壬辰船堂移
考誠河南得貳公行躍躍不能寐遂自梁抵申由宛
葉入洛而竟事於汴寢酢游屈不斯須離者餘七十
日公以平昔出處素所蘊而誌者一發而尽於予竊
壯夫志弘而毅氣剛以直學切而有用器遠而足識
皜皜乎有不可尚已者又祖帳夷門酒酣歎歎悲不
能訣去至揚解而歌曰孤忠耿耿信不疑兮匪席匪
石可卷移兮與子論交乃所期兮日暮途遠將何之
兮彼蒼悠悠其間斯兮予上馬歸念且訝其遽如許
也嗚呼噫唏公今死矣予尚忍言哉或者以玉山賊
門庭寇也終宋亡而不克擯新昌下邑也惡而無所
預盡去諸予曰公之不去者以緝禍亂懷新附分也

事不辭難患不苟免志也去之民何賴焉賊或有知
使洞貫之誠一言開悟予以窮根窟掃餘孽宣威海
道以靖東南在公為弗難不幸擁馬直前言未及諭
而亮鋒闕加蓋公之所能者天也其不能者命也嚮
使因鼠革而喪厥守以偷生而為得計名節委地坐
眎民殘毀公之志也哉况公平忠誼表表審量素定
晚即操履益堅其過當行可為得少伸抱負分一死
久矣昔顏大師知賊狀已明將命而經往李司徒視
逆刃交下握節而不去二公者豈甘心廟躬哉正以
忠烈之氣寧以一不幸遽可慊然於其心哉今以公
事節槩之不少異矣然不使公從朱游王遵渥丹衷
於折檻之前抗忠諫於伏蒲之地奈何繼死道路纒

絕於穿窬之手此士論共惜僕尤哀而為之辭也公
諱祐字慶甫趙之寧晉人固窮力學工為詩尚氣能
道所欲言節齋其自号也嗣子夔扶其喪葬北邙之新迂其
者七人戮越州市次子臯扶其喪葬北邙之新迂其
辭曰

維天降材深有謂兮清明萃躬經此一世事兮伊逢
昌辰臣子尤不 易兮鴻毛沛風宜乎奮厥翼兮百
纒幾施有物訶以忘兮固窮善道退而甘所弃兮何
廉以好爵足將進而躓兮擗之禍賊天胡為而厲兮
俾姦惡者何所懲忠善者將何恃兮豈福善禍淫之
戒時或挽而弛兮豈命數一定善惡豈而致兮豈一
氣偶然乘之者隨所值兮不然何厚其所可薄而噴

者莫錫類兮嗚呼言至於此天道悠悠此心盡而侯
兮自古有死死非以義等草木之敝兮堂堂御齋明
是義兮夫我何尤公所求兮既獲死所公乃休兮有
子而孝復厥讎而歸故丘兮是或蒼蒼者有足賴神
理於焉在兮魂歸來些歌予文之一愾兮固元身不
歿名求肩於崧岱兮噫

故中奉大夫山東東西道宣慰使史公哀
辭

事有曠世相感歎歎不自己者豈非義激於衷默有
所契而然耶况神交罔間沒而陰相者哉故宣慰史
侯五路萬戶留後之嫡長太尉忠武公之猶子也不
肖自早歲蒙開府明眸獲識明候面于合并有教歎狎則

未也逮提憲朔南適平宋來歸時接燕談三載之間
猶一日然既而起公慰宣東方走亦持節歐越前次
甬東一夕夢公相式云君方從事閩徼得喪有命尚
慎眠食不宜中動臨岐握手有恋恋不已者予又嘗
銘公兄墓以名驃見貶及旋倦游思歸公復見夢曰
遠回在迎但吾乘不得與同耳後數日聞公訃馬亦
隨斃計公卒辰適始夢甬上時也吁亦異哉嗚呼公
於余深矣往有以教歸有以啓迪之非神交而何爰
墓草宿且慙夫涕之無從也癸巳冬予在翰林公之
子親衛指搗使煥第祕監輝來謁出諸君銘章仍有
徵於余感念疇昔廼抒頌言公為人深靖有識量善
謀能斷生長豪貴不以居養自高周知物情未嘗臧

否出口平居褒衣素裙以琴書自娛賓從宴游若與
世浮沉者及其治兵作牧撫循籌畫二者並用不相
底滯有成算而無遺慮所謂總戎作氣帥尹而寓軍
容者公其有焉宜乎為世父鍾愛名聲昭於人功烈
著于後也至元甲申夏六月余將往歷下見公於所
居南樓置酒酌別既酣談論古今成敗傾徹底裏且
及平時寤寐風雲破碎陣敵等舉如濟南珍嶼橫梁
臨江之役皆是也曰異時倘經故處當知予憶王所
敵志也吾老矣將無復再得去三年公薨謝官下於
戲公今已矣顧視一時鉅室世臣其麗不鮮較其德
業問望哀榮終始略無遺憾鮮有及公者焉然尚何
辭而哀之惟是存歿陰相久要之言耿耿在抱義激

愚衷故特發其隱而未書者俾告公靈庶慰車過腹
痛繫劔喬木之意云其辭曰

天之降才實為艱方用應時需又所難方文武一坡
造物者靳其全方而合兼濟粵惟世之賢方堂堂史公
北方強方知柔知剛萬夫望方依乘風雲乘鉞戎軒
蕩無前方有來群后策勛盟府相後先方收斂豹韜
作牧民編于蕃宣方國倚以重民懷風愛動海堦方
神而化之人亡政息伊時遭方嗚呼哀哉若公者其
英其靈有無間方豈隨化歸盡魂無不之渺逝川方
其或奮為神明司幽玄方明復為人續其志之淵方
若或亶然又不知其幾世幾年方論至於此尚何言
方所以增我永慨者正復哀斯民之不幸抑且感知

已而涕漣也

祝辭劉孝先子迪作

古者名訓冠前字加冠後改而推稱蓋以責其禮之
成全成人之道孝悌忠信莫重而先四者有立吉孰
大焉曰禹曰益九官讓嘏及陳儆告也如是况余人
然山木取義併其名而字之于以四行擴充迪傳劉
氏子其服膺拳拳猶日見鄉先生于朝端也

周氏小女祝辭

元貞元年秋過摠尹孟戡家出小女拜
且命誦孝經論語等篇殊琅然也仍請
訓辭為祝因書以付之蘭即燕故家留
判趙公外孫也

英英女挈何靜嘉兮翁初見之燕故家兮牙牙點
玃玃兮學語未正鶯囀花兮今年拜予雙鬢鷓鴣兮
洞簫有賦非所誇兮孝章魯語誦無涯兮謝以蘊稱
汝其昭兮詢以小字曰蘭嬌兮歲糴芳華瞻翠翹兮
猗猗揚揚茲容謁兮女惟德馨幽閑在兮佩而服之
儀與誠兮女紅蚕休尤所賴兮守以貞順敬毋怠兮
付之汝誦予以書脫脫

觀溟漲辭

山雲蒸兮老而昏大壑澹兮涇流奔渚崖曲兮千里
一夕平兮光瀰二水之充兮無幽無深遠朝滄溟兮
臣妾之心幽人觀其濶逝者何嘆兮周而復還萬物
化結水之仁功成而退兮殆君子之逡巡日三往而

視兮悟夫噓喻於此身又何必酌樽中之醪問江
山之神也耶

鳴柳曲

壬申春三月予自京師南還十八日夜
半過平棘西浚水上聞漁人鳴柳中流
聲響甚厲駐車起聽令人杳然有江灣
漁樂之思作鳴柳曲以寫其音節云其

詞曰

柳鳴葦間回風遠遞洲空月寒昔節愈厲響應虛谷
波翻木際驚群魚而入粼笑古人之用至于駐車而
三聽欲拏舟而同逝

田橫墓歌辭

至元丙子夏六月奉堂移偕節齋陳公
以事東之偃師道橫墓下慨慕耿光悲
歌而去歌曰
秦以帝稱魯連之所恥兮漢以劍起布衣之所極兮
橫王東海意不充其覬兮天命攸歸吾將奚所適兮
死或當理庶烈士之則兮

秋澗先生大全文集卷第六十五

秋澗先生大全文集卷第六十六卷

箴

憲司箴

肅肅憲司虞夏九牧其在漢唐刺史都督控臨百城
靡不約束既重其權匪輕所責治弘務簡望隆威赫
有臺閣清嚴無州郡急迫繡衣四出輜軒金節命服
有彰非爾徒設奉宣

詔條巡省按決官之邪正政之得失酌汝之言以明
黜陟俗之微惡民之休感恃汝注措以安以息
國有重典越惟刑辟圜土幽囚肺石冤抑仰汝審察
哀矜致恤毫髮或差追悔何及剛不可憚憚則氣拂
弱不可欺欺則衆忽事無避難避之愈集法毋情破

至元丙子夏六月奉堂移偕節齋陳公
以事東之偃師道橫墓下慨慕耿光悲
歌而去歌曰
秦以帝稱魯連之所恥兮漢以劍起布衣之所極兮
橫王東海意不充其覬兮天命攸歸吾將奚所適兮
死或當理庶烈士之則兮

秋澗先生大全文集卷第六十五

秋澗先生大全文集卷第六十六卷

箴

憲司箴

肅肅憲司虞夏九牧其在漢唐刺史都督控臨百城
靡不約束既重其權匪輕所責治弘務簡望隆威赫
有臺閣清嚴無州郡急迫繡衣四出輜軒金節命服
有彰非爾徒設奉宣

詔條巡省按決官之邪正政之得失酌汝之言以明
黜陟俗之微惡民之休感恃汝注措以安以息
國有重典越惟刑辟圜土幽囚肺石冤抑仰汝審察
哀矜致恤毫髮或差追悔何及剛不可憚憚則氣拂
弱不可欺欺則衆忽事無避難避之愈集法毋情破

破之有空何以處之必正必式一有私萌力為之克
如松斯貞如鷲斯擊其嚴秋霜其平砥石是乃
邦之司直我玉無瑕彼疵可錄志行氣伸吏畏民服
一道清寧乃稱所屬其或暗夫大體苛細是燭較利
害之孰及至首尾之畏蹈甘於慵身計日而祿官諉
違顏厚有忸爰作斯箴敢告司僕

言箴

語戒過繁 先期 我 動 躁輕易
違理取勝過慮思邪 言之 不 有害於用
審察安詳時然後應 一出於正其或不然
自陷於窅念之 之

忍箴

忍之為字以刃加心少或弗隱其傷必深家府維
挺挺而全謂予平生半在官職萬變前陳履薄臨淵
少觸輿兢其心即燃自救弗瑕理何有焉量汝之性
以忍為先惟忍則濟欽哉聖言

銘

楷杖銘并引

孔林之木瓌異者為多魯人世不知其名者蓋夫子
沒弟子各持其方之木耒樹焉在扮檀龜柞中名殊
顯者獨文楷耳前朝斲之板持以備新進之儀豈思
其人重其文敬其手植之意也欽紫陽公携二杖過
衛一以贈予因識其楷之所以為楷也如是吁昔而
簡今而杖用雖不同至於重其文敬其手植之意一

也銘曰

體堅而微色正則瑩庚庚其文挺挺其性木根傳方
世之芳枝葉蔭百王之聖斷而扶之以扶吾道之衰
兮庶由乎義路之正且予年之方盛是不可施於其
鄉兮復將獎蛇妖於異日予以叩原壤之脛惟桑與
梓必恭且敬矧吾家之草木敢不同甘棠而加愛兮
故廣之以舞雩之詠

攬柳杖銘

體堅而柔節促而澤赤藤桃竹非所狎兮青蛇奮螫
腹紋鱗鱗入手滑兮質挺炎德出入有聲豈特銜瓜
甲兮堂堂許公國喉舌兮扶而登朝表孤節兮是將
代太尉之笏擊奸慝於未孽也

芝枕銘并引

予觀神農氏之經芝之種有五焉紅者如珊瑚青者
如翠羽黃者如紫金白者如截肪黑者如澤漆 光
明洞徹如水之堅五岳之山產焉後之以芝名
若是豈柳柳州所謂天澤餘潤虽枯枿敗腐猶能
出芝菌以為瑞物是枕之芝或間產名山或蒸出枯
枿予不得而知也但不斤不斷底平面傾犀文外統
疊成枕形誠可以薦牀第而承幽人之憩息也銘曰
體似重而輕性似柔而剛豈顛木之餘枿薦幽人之
野牀質似芝而秀文似犀而光果齋房之瑞氣化竒
形而不忘但髣髴兮一枕之妙至於為芝為菌吾不
知其物化之常秀比連萐清凝寢香枕或強名用適

則良俾歌之藉之勿邪其所思兮是可以憂周公而接羲皇也

砥柱銘

水之為力無物不從津門之險壯夫砥之為雄洪濤西來萬夫前攻而戰而薄我當其衝狂瀾勢倒安流而東屹嵩華之隆崇也吾儕小人弱值淺中喪俗外群邪外訐苟內省而不疚有砥心而直吾躬也

金銀沙二泉銘

山之清潤澤氣以通方坤之靈秀醴泉以發方太行蟠巨元陽所軋方天門左界二泉並渣方巨鰲背鑿寶藏泄方靈淵滄海眼徹方泓澄一碧金瓊屑方全流石煉爽冰雪方雲煙藉潤為改色方酌而瀹

冷冽方挹之薦帝明水潔方淋漓膏液補天缺方女媧鍊石用不竭方夸娥抱樞濯困竭方七賢尋盟醉達方幽響傳谷鏘瓊玖方山空月落仙人揭方生肥悟真訣方我銘勒石泉不涸方

端石硯銘

硯之同功甲與鋌試之敵場惟利堅其或不瀾安用焉嗚呼此硯窈而圓神靈足踰舌有泉既利我穎墨且便青州絳州何所贖題品入格因公權處士或托斯銘傳

默齋銘

語寂滅者涉於絕類談自然者入於虛無嗚呼默乎其天地閉翳人隱括囊無咎无譽者與至於明良相

遇治具畢張一言而可以興除者如宣父夾谷之盟
孔明隆中之論茲吾儒之事也豈得退藏於默乎豈
得退藏於默乎

閑邪齋銘

噫嘻是心既定而放內閑外膠靡不馳嚮忘返從流
于焉板蕩維禮與義以戒以懼存之以誠為閑之具
有人于斯言動視聽庸信庸謹造次於是成德雖中
慮萌邪侈一念或非為奸所餌易演文言一閑大言
一聖心權輿於軋譬海乘載一碇能安如馬泛駕
則旋險去而夷浪平斯淵破碇與勒曷能舍
何李侯周防未然操心知要惕焉拳拳言信行謹
其庶幾一誠存中太山可移素
聖哲同歸

洮石硯銘

吁爾洮水中吐翠欲流礪於砥考之譜端歛函波又
余古月子斲而泓堅澤批軌為尸王御史

瑤龜洗銘

鑿月槃漢洗器制爾形從相類漢維魚我龜賁取彼
壽縮元氣宜子孫傳後裔銘者誰王子系

訥齋銘

堪輿兩間事變靡極成始要終非言莫立玄聖垂教
訥言為先匪曰終默時然後言喋喋利口返為事愆
覆邦亂家身弱于淵猗撻鄙君內思靖顯一訥銘齋
浩浩其天人亡道存寔大其傳尚耒耜而恪守猶丹
書與湯盤也

文貞公笏銘呈竇學士公家物

唐有天下垂三百年於燦者貞觀之治焉其効蓋仁義之一言世之望公三辰在天是則公之德何俟笏而贖耶銘存物亡寔大其傳則是樵之文伊笏之曾玄也猗歎竇公國老之元神物有歸室之几進安知無望壠而求後因甘棠而思邵伯於燕者耶

仙臺金硯銘為宋少卿弘道作

盤盤嘯臺一碧千尺湛月露以洗空隱松風之蕭瑟仙游何之留此真跡斷而硯之是將晦靈蹤於翁歛藉玄雲而掩抑神物有歸蘭臺之客會登玉清蕩空碧斗挹滄溟醉憑鰲格拂海苔之霞戲揮仙火之巨筆也

楮都護銘

漢開西域國三十六中置都護控制約束強凌弱折迺有攸屬我嗜群經視為席珍緇閱不時未免絲紛亦作護府仰茲楮君統之有要無相奪倫侵損日遠緝喫日新棟架安書曰史曰墳勒銘于上策燕然勳太秀華銘

丁生贈余湖峯一株頂足背面蒼麟隱

隱渾然天成無微竇可隙植立紫間殆與頎頎君子相對殊可說也昔元春陵棧作溪枉樽等銘命名既異垂戒又深予嘗讀而愛之因銘茲石仍撥其義

片石何狀天然自若鱗鱗蒼窈背露蛟鱓一氣渾淪

略無巖壑太湖凝精示我以朴我思古人真風眇邈
變詐百出孰知誠確心深洞府混沌六鑿剛健篤實
君子之質惟其似之是用比德嗚呼安得誠天下之
意如茲石之挺特也

書厨銘

至元十七年八月三日夜與子孺灯下
觀丹書銘因擬而作此

置之於室胡若載之腹也名汝曰厨以其無不蓄也
腹至於餒返為汝所怙也其戒之惟昂

鸚鵡啄金桃研銘

大名劉攽以求予作思齋堂
銘奉此研見解

翠鸚啄桃翩欲飛去棲影片逃以慧之故芸閣風簾
疑若與昭助彩毫端辯夫詞語搃黃鶴而倒芳洲麈

正平之賦邪復明辟而以憂諫草梁公之疏也

菊井銘

余到官兩月移居司西官舍治舊井而
新之方衆菊爛然擇其佳者植諸欄傍
因銘之曰菊井其辭曰

養而不窮者井之德也服而能壽者菊之靈也我潔
斯井因羸其餅彼窈然而深泓然而澄蓋南山之餘
溢迺濟清而未名思欲沉浸醴郁皆菊之馨庶幾西
河南陽之意仁吾民而制頽齡也

冬藏圖右銘

太極中分有靜有動氣與理錯未免交闕孰尽聖哲
不思而中思而或邪奚翅荒縱理明伊何精一為重

閑邪存誠發而可裏內莊全體外致吾用早也奚思
尹則孰覺一洗妄心尽易前錯學孔之學樂顏之樂
華去實存玉礮石斲道最中害或輟或作不學而喪
即成枯落念至于茲立敢不卓新惜分陰守之以恪
敬入為門補我不足足豈三餘日新一日動靜云為
是為之則敢告靈臺服之無斁

左箴其目曰定力以固窮為冬藏圖作

天運循環有泰有否人生其間迺一氣類之財曰困
弗通為塞苟遇不安習坎而阮自昔君子器藏俟時
出門有礙吾將安之仲由愠見阮藉窮哭惟昧困理
于孰于孰安之有道說不徒泛堅我定力不容少濫
氣養以剛志明由澹少焉墮昏亟為澄湛衣弊服蘊

一温而止飯糗茹蔬一飽而已茫茫厄臺悠悠羨里
文明為異孔玉積毀聖蹟猶然况弗至此我道未亨
克念終始

敬義齋銘

維天生民畀之者全氣有澄滓因之以偏惟聖立極
俾復其天因而弗學民斯為下甘彼顛蒙時有不暇
間有知悔或窺礙竅遺緒茫茫又昧其要大哉文言
聖學之宗致力兼補蒙而聖功一敬內主義須外克
凡百君子有云有為行而宜之心宰物隨稊直而莊
匪方於動事物之來未免變闕惟其夾持務成德尊
既銘吾心復書我紳始終是則日新又新

垂龍圖銘

所翁姓陳氏福州人嗜飲恬於仕宦善
圖畫見知於宋理宗嘗以商舶越海與
真童遇自是盡其情狀其作也必乘醉
澀墨為之天機所到非學而能殆邀榭
之嘆墨法云

醉墨翻雲族所翁圖畫與真遇黑風吹海作太陰
太火出山雷奮豫是將執兩機而飛天俛滂沱而洗
吳楚

宿雲軒銘 并序

吾友中丞王君買宅蘇門得奇石一峯厥狀雲如霧
然輝應於庭戶間甚可愛也因名其軒曰宿雲徵文

於余乃以是文表之其辭曰

瞻此來雲態度容與觸石而生與石為伍宛被南山
宿我庭宇主人名軒其義安取是將停藹藹之容為
思友之故邪伴東山之卧抱濟時之雨也雲兮雲兮
出兩者之間固無心兮其從童也須以時兮吾豈欲
度之以自潔徒為怡悅而已邪

水晶筆格銘

玉瑩冰清太陽之精孰琢肖山之形鎮我几案虛白
夜生息我予稍摩壘之聲空明洞徹爛冰峰之孤撐
物有形似吁足可驚若倚之而固寵旭日已升恐潰
釋而摧崩也

頤軒銘 為洪同簽作